黃祖蔭
(退休老師)

賀竹中九秩校慶

不倦絃歌九秩功 無虞涉獵自由風
驪駒出塹開雲路 各自盤天氣若虹

過辛園

辛園種竹已修修 載興重來廿三秋
竊喜如培佳子弟 扶搖直上久凝眸



山中講學

山中亦有舞雩台 憶昔同遊胥雋才
述志狂狷能啟我 林林總總好風裁

汀甫圳散步

事畢心閒策杖遊 徘徊圳道憶清流
魚蝦夙與迷藏戲 照影烏絲變白頭

潛園

門留二字曰潛園 聊勝於無不肯存
沮喪油然吟出口 事如春夢了無痕

鄭文韜(三屆)


君詩譜曲最流行 秀唱人隨樂滿城
所謂愁予風甚健 何其亮麗又怡情

張瑞欽校長榮退

八載劬勞力挽瀾 慈悲喜捨出心肝
晨昏木鐸鳴蹊徑 有口皆碑足壯觀


辛公百歲贊

日蝕人皆共見焉 春秋本是責諸賢
辛公耿介何廉潔 並世無多足可傳



傅偉勳逝世七年

一代鴻儒傅偉勳 纔逾耳順竟離群
臨行應諾當回校 竹嶺年年望白雲



楊子雲與陳欽忠

闖進書林有兩雄 子雲亂董米欽忠
湍流秀氣崢頭角 筆掃千軍九降風

懷登山社

大壩從來好漢登 蹉跎失逞盛年能
而今老矣衰腰腳 出岫浮雲弄未曾

莽莽廣場

榕林古茂繞操場 積健為雄蔚國光
十八尖山堪毓秀 風城子弟一流強

廿五屆校友會口占

聚首溪頭話竹中 君皆壯彩我成翁
如今再授新知識 汝等為師我是僮

賀江博明榮膺中研院院士

新科院士又登名 鼓舞歡欣眾後生
學術高峰同硯會 思齊次第更多英